

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

ARABAKO BATZAR NAGUSIAK

Arabako Batzar Nagusien erabakia, 2019 eta 2017ko enplegu publikoaren eskaintzen hautaketa-prozesuetako oinarri orokorrak aldatzeko

Arabako Batzar Nagusietako Mahaiak, 2021eko ekainaren 15ean egindako bilkuran, honakoa erabaki du:

Arabako Batzar Nagusien erabakia, 2019 eta 2017ko enplegu publikoaren eskaintzen hautaketa-prozesuetako oinarri orokorrak aldatzeko.

Lehen a. Onestea erabaki honen eranskin gisa jaso diren 2019 eta 2017ko enplegu publikoaren eskaintzen hautaketa-prozesuetarako oinarri orokorrak aldatzea.

Bigarrena. Erabaki hau eta oinarri orokorren aldaketa Arabako Batzar Nagusien Aldizkari Ofizialean eta ALHO on argitaratzea.

Erabaki honen aurka administrazioarekiko auzi-errekurtsoa aurkeztu ahal izango zaio, ALHAOn argitaratu eta hurrengo egunetik aurrera, Vitoria-Gasteizko Administrazioarekiko Auzien Epaitegiari, bi hilabeteko epean, edo, bestela, aukerako berraztertze-errekurtsoa, hilabeteko epean, erabaki hau eman duen organoari berari, uztailearen 13ko 29/1998 Legearen 46.1 artikuluan aurreikusitakoaren arabera, Administrazio Publikoaren Administrazio Prozedura Erkidearen urriaren 1eko 39/2015 Legearen 123. artikulua dela-eta.

Vitoria-Gasteiz, 2021eko ekainaren 15a

Presidentea

PEDRO IGNACIO ELÓSEGUI GONZÁLEZ DE GAMARRA

ERANSKINA

2019 ETA 2017KO ENPLEGU PUBLIKOAREN ESKAINTZEN HAUTAKETA-PROZESUETAKO OINARRI OROKORREN ALDAKETA

8.2, 8.7, 10.2.4, 10.2.5 eta 10.2.6 puntuak aldatu dira. Honela idatzita geratzen dira:

8.2. Osaera.

Oro har, epaimahaiek lehendakari bat eta lau kide izango dituzte, bakoitza bere ordezkorekin, eta karrerako funtzionarioak izango dira. Kideetako bat idazkari izendatuko da.

Hala ere, beharrezkotzat jotzen bada, deialdi zehatz baten oinarri espezifikoetan berariaz ezarri ahal izango da epaimahaia kide gehiagok osa dezatela, betiere oinarri orokor hauetan osaerari dagokionez ezarritakoak errespetatuta.

8.7 Kalte-ordainak.

Epaimahaietan parte hartzeko asistentziek eta kolaborazioek eskubidea emango dute Arabako Batzar Nagusietako Mahaiak onartutako erregulazioan jasotzen diren kalte-ordainak hartzeko. Erregulazio propiorik ezean, aplikagarria izango da zerbitzu-arrazoientzako kalteordainei buruzko Eusko Jaurlaritzaren otsailaren 2ko 16/1993 Dekretuan ezarritakoa.

10.2.4 Oro har, ariketa baten emaitzak argitaratzen direnetik hurrengo hasi arte gutxienez hirurogeita hamabi ordu igaro beharko dira, eta gehienez berrogeita bost egun baliodun. Horrek ez du bazterten ezen, epaimahaiak beharrezkotzat jotz gero, oinarri espezifikoetan ezarri ahal izango da saio berean aldi berean ariketa batzuk egiteko aukera, edo ariketa baten zatiak egun ezberdinetan. Horretarako, deialdia gutxienez bost egun natural lehenago egin beharko da.

10.2.5 Izangai guztiek batera egin ezin ditzaketen ariketetan, jarduteko ordena Administrazio Publikoen Estatu Idazkaritzak egiten duen zozketaren arabera izango da, oro har, bat etorritik martxoaren 10eko 364/1995 Errege Dekretuak, langileak Estatuaren Administrazio Orokorren zerbitzura sartzeko, Estatuaren Administrazio Orokorreko lanpostuak hornitzeko eta funtzionario zibilen sustapen profesionalerako Arautegi Orokorra onartzen duenak, 17. artikuluan ezarritakoarekin.

Hala eta guztiz ere, deialdi espezifiko bakoitzean gertatzen diren inguruabarrak direla-eta, kalifikazio-epaimahaiak erabaki ahal izango du, izangaiak proba horietan zein hurrenkeratan arituko diren zehazteko zozketa bat egitea. Zozketa hautaketa-prozesuaren edozein unetan egin ahal izango da, baita proba edo ariketa egiten den egunean bertan ere. Aukera hau berariaz jaso beharko da deialdiaren oinarri espezifikoetan.

Izangaien artean ez badago inor lehenengo abizena zozketa horretan atera den letratik hasten zaiona, jarduteko ordena segidako hurrengo letren arabera izango da, dagokion moduan.

10.2.6 Oro har, ariketa bakoitzeko behin-behineko emaitzak argitaratu eta hurrengo egunetik aurrera, izangaiek hamar egun baliodun izango dituzte ariketa horren gainean egoki jotzen dituzten erreklamazioak aurkezteko epaimahai kalifikatzaileari.

Hala ere, deialdi zehatz baten oinarri espezifikoetan berariaz ezarri ahal izango da epe laburrago bat ariketa bakoitzeko erreklamazioak egiteko, betiere ez bada hiru egun baliodun baino txikiagoa.

Erreklamazioak egiteko epea amaitu eta, halakorik badago, aurkeztu direnak ebatzi ostean, epaimahaiak ariketa bakoitzeko behin betiko emaitzak argitaratzeko agindua emango du.